

# Bilûra Evîndar



## Demhat Hezexî

Evîndaro

Ji dilê xemla zozanan

Tê guhê min

Melodiya bilûra te..

Û ew

Dengê nazdar

Dibe siwarê daxwaziyê..

Sîper û çeperên avakirî, hildiweşîne

Hestên razayî

Ji xewa kûr

Şiyar dike.

Evîndaro

Pêlên dengê bilûra te

Xwe digihîne canê min,

Jê dixwe parçe parçe.

Û dîv re,

Ew dibe agirek gerok

Di nava min de,

Gur dibe!

Niha jî..

Pêl pêpelûkên

Awaza bilûra te dikim,

Ber bi cîhana te ve tîm

Da bibim parçek

Ji dengê dilê bilûra te, evîndaro!